

法句經 Dhammapada (了參法師譯)

1、雙品 Yamaka-Vaggo

- 一 諸法意先導，意主意造作。若以染污意，或語或行業，是則苦隨彼，如輪隨獸足。
- 二 諸法意先導，意主意造作。若以清淨意，或語或行業，是則樂隨彼，如影不離形。
- 三 『彼罵我打我，敗我劫奪我』，若人懷此念，怨恨不能息。
- 四 『彼罵我打我，敗我劫奪我』，若人捨此念，怨恨自平息。
- 五 在於世界中，從非怨止怨，唯以忍止怨；此古（聖常）法。
- 六 彼人不了悟：『我等將毀滅』。若彼等如此，則諍論自息。
- 七 唯求住淨樂，不攝護諸根，飲食不知量，懈惰不精進，彼實為魔服，如風吹弱樹。
- 八 願求非樂住，善攝護諸根，飲食知節量，具信又精進，魔不能勝彼，如風吹石山。
- 九 若人穿袈裟，不離諸垢穢，無誠實克己，不應著袈裟。
- 十 若人離諸垢，能善持戒律，克己與誠實，彼應著袈裟。
- 十一 非真思真實，真實見非真，邪思惟境界，彼不達真實。
- 十二 真實思真實，非真知非真，正思惟境界，彼能達真實。
- 十三 如蓋屋不密，必為雨漏浸，如是不修心，貪欲必漏人。
- 十四 如善密蓋屋，不為雨漏浸，如是善修心，貪欲不漏人。

處悲，作諸惡業者，兩處俱憂悲，見自惡業已，他悲他苦惱。

- 十六 現世此處樂，死後他處樂，作諸善業者，兩處俱受樂，見自善業已，他樂他極樂。
- 十七 現世此處苦，死後他處苦，作諸惡業者，兩處俱受苦，（現）悲『我作惡』，墮惡趣更苦。
- 十八 現世此處喜，死後他處喜，修諸福業者，兩處俱歡喜，（現）喜『我修福』，生善趣更喜。
- 十九 雖多誦經集，放逸而不行，如牧數他牛，自無沙門分。
- 二〇 雖誦經典少，能依教實行，具足正知識，除滅貪瞋癡，善淨解脫心，棄捨於世欲，此界或他界，彼得沙門分。

2、不放逸品 Appamāda-Vaggo

- 二一 無逸不死道，放逸趣死路。無逸者不死，放逸者如尸。
- 二二 智者深知此，所行不放逸。不放逸得樂，喜悅於聖境。
- 二三 智者常堅忍，勇猛修禪定。解脫得安隱，證無上涅槃。
- 二四 奮勉常正念，淨行能克己，如法而生活，無逸善名增。
- 二五 奮勉不放逸，克己自調御，智者自作洲，不為洪水沒。
- 二六 暗鈍愚癡人，耽溺於放逸，智者不放逸，如富人護寶。
- 二七 莫耽溺放逸，莫嗜愛欲樂。警覺修定者，始得大安樂。

- 二八 智者以無逸，除逸則無憂，聖賢登慧閣，觀愚者多憂，
如登於高山，俯視地上物。
- 二九 放逸中無逸，如眾睡獨醒。智者如駿馳，驚駘所不及。
- 三〇 摩伽以無逸，得為諸天主。無逸人所讚，放逸為人訶。
- 三一 樂不放逸比丘，或者懼見放逸，猶如猛火炎炎，燒去大結、小結。
- 三二 樂不放逸比丘，或者懼見放逸，彼已鄰近涅槃，必定不易墮落。
-

3、心品 Citta-Vaggo

- 三三 輕動變易心，難護難制服，智者調直之，如匠搦箭直。
- 三四 如魚離水棲，投於陸地上，以此戰慄心，擺脫魔境界。
- 三五 此心隨欲轉，輕躁難捉摸。善哉心調伏，心調得安樂。
- 三六 此心隨欲轉，微妙極難見。智者防護心，心護得安樂。
- 三七 遠行與獨行，無形隱深窟。誰能調伏心，解脫魔羅縛。
- 三八 心若不安定，又不了正法，信心不堅者，智慧不成就。
- 三九 若得無漏心，亦無諸惑亂，超越善與惡，覺者無恐怖。
- 四〇 知身如陶器，住心似城廓，慧劍擊魔羅，守勝莫染著。
- 四一 此身實不久，當睡於地下，被棄無意識，無用如木屑。
- 四二 仇敵害仇敵，怨家對怨家，若心向邪行，惡業最為大。
- 四三 (善)非父母作，亦非他眷屬，若心向正行，善業最為大。
-

4、華品 Puppha-Vaggo

- 四四 誰征服地界，閻魔界天界，誰善說法句，如巧匠採花？
- 四五 有學克地界，閻魔界天界，有學說法句，如巧匠採花。
- 四六 知此身如泡，覺悟是幻法，折魔羅花箭，越死王所見。
- 四七 採集諸花已，其人心愛著，死神捉將去，如瀑流睡村。
- 四八 採集諸花已，其人心愛著，貪欲無厭足，實為死魔伏。
- 四九 牟尼入村落，譬如蜂採華，不壞色與香，但取其蜜去。
- 五〇 不觀他人過，不觀作不作，但觀自身行，作也與未作。
- 五一 猶如鮮妙花，色美而無香，如是說善語，彼不行無果。
- 五二 猶如鮮妙花，色美而芳香，如是說善語，彼實行有果。
- 五三 如從諸花聚，得造眾花鬘，如是生為人，當作諸善事。
- 五四 花香不逆風，栴檀多伽羅，末利香亦爾。德香逆風薰，
彼正人之香，遍聞於諸方。
- 五五 栴檀多伽羅，拔悉基青蓮，如是諸香中，戒香為最上。
- 五六 栴檀多伽羅，此等香甚微。持戒者最上，香薰諸天間。
- 五七 成就諸戒行，住於不放逸，正智解脫者，魔不知所趣。
- 五八 猶如糞穢聚，棄著於大道，蓮華生其中，香潔而悅意。
- 五九 如是糞穢等，盲昧凡夫中，正覺者弟子，以智慧光照。
-

5、愚品 Bāla-Vaggo

六〇 不眠者夜長，倦者由旬長，不明達正法——愚者輪迴長。

六一 不得勝我者為友，與我相等者亦無，寧可堅決獨行居，不與愚人作伴侶。

六二 『此我子我財』愚人常為憂。我且無有我，何有子與財？

六三 愚者（自）知愚，彼即是智人。愚人（自）謂智，實稱（真）愚夫。

六四 愚者雖終身，親近於智人，彼不了達摩，如匙嘗湯味。

六五 慧者須臾頃，親近於智人，能速解達摩，如舌嘗湯味。

六六 愚人不覺知，與自仇敵行，造作諸惡業，受定眾苦果。

六七 彼作不善業，作已生後悔，哭泣淚滿面，應得受異熟。

六八 若彼作善業，作已不追悔，歡喜而愉悅，應得受異熟。

六九 惡業未成熟，愚人思如蜜；惡業成熟時，愚人必受苦。

七〇 愚者月復月，雖僅取（少）食——以孤沙草端；（彼所得功德），不及思法者，十六分之一。

七一 猶如搗牛乳，醍醐非速成。愚人造惡業，不即感惡果，業力隨其後，如死灰覆火。

七二 愚夫求知識，反而趨滅亡，損害其幸福，破碎其頭首。

七三 （愚人）驚虛名：僧中作上座，僧院為院主，他人求供養。

七四 『僧與俗共知——此事由我作，事無論大小，皆由我作主』，愚人作此想，貪與慢增長。

七五 一（道）引世利，一（道）向涅槃。佛弟子比丘，當如是了知，莫貪著世利，專注於遠離。

6、智者品 Paṇḍita-Vaggo

七六 若見彼智者——能指示過失，並能譴責者，當與彼為友；猶如知識者，能指示寶藏。與彼智人友，定善而無惡。

七七 訓誡與教示，阻（他人）過惡。善人愛此人，但為惡人憎。

七八 莫與惡友交，莫友卑鄙者。應與善友交，應友高尚士。

七九 得飲法（水）者，心清而安樂。智者常喜悅，聖者所說法。

八〇 灌溉者引水，箭匠之矯箭，木匠之繩木，智者自調御。

八一 猶如堅固巖，不為風所搖，毀謗與讚譽，智者不為動。

八二 亦如一深池，清明而澄淨，智者聞法已，如是心清淨。

八三 善人離諸（欲），不論諸欲事。苦樂所不動，智者無喜憂。

八四 不因自因他，（智者作諸惡），不求子求財、及謀國（作惡）。不欲以非法，求自己繁榮。彼實具戒行，智慧正法者。

八五 於此人群中，達彼岸者少。其餘諸人等，徘徊於此岸。

八六 善能說法者，及依正法行，彼能達彼岸，度難度魔境。

八七 應捨棄黑法，智者修白法，從家來無家，喜獨處不易。

八八 當求是（法）樂。捨欲無所有，智者須清淨，自心諸垢穢。

八九 彼於諸覺支，正心而修習。遠離諸固執，樂捨諸愛著，漏盡而光耀，此世證涅槃。

7、阿羅漢品 Arahanta-Vaggo

九〇 路行盡無憂，於一切解脫，斷一切繫縛，無有苦惱者。

九一 正念奮勇者，彼不樂在家。如鵝離池去，彼等棄水家。

九二 彼等無積聚，於食如實知，空無相解脫——是彼所行境，如鳥遊虛空，蹤跡不可得。

九三 彼等諸漏盡，亦不貪飲食，空無相解脫——是彼所行境，如鳥遊虛空，蹤跡不可得。

九四 彼諸根寂靜，如御者調馬，離我慢無漏，為天人所慕。

九五 彼已無憤恨，猶如於大地，彼虔誠堅固，如因陀揭羅，如無污泥池，是人無輪迴。

九六 彼人心寂靜，語與業寂靜，正智而解脫，如是得安穩。

九七 無信知無為，斷繫因永謝，棄捨於貪欲，真實無上士。

九八 於村落林間，平地或丘陵，何處有羅漢，彼地即可慶。

九九 林野甚可樂；世人所不樂；彼喜離欲樂，不求諸欲樂。

8、千品 Sahassa-Vaggo

— 0 0 雖誦一千言，若無義理者，不如一義語，聞已得寂靜。

— 0 1 雖誦千句偈，若無義理者，不如一句偈，聞已得寂靜。

— 0 2 彼誦百句偈，若無義理者，不如一法句，聞已得寂靜。

— 0 3 彼於戰場上，雖勝百萬人；未若克己者，戰士之最上！

— 0 4 能克制自己，過於勝他人。若有克己者，常行自節制。

— 0 5 天神乾闥婆，魔王並梵天，皆遭於敗北，不能勝彼人。

— 0 6 月月投千（金）——供犧牲百年，不如須臾間，供養修己者，彼如是供養，勝祭祀百年。

— 0 7 若人一百年——事火於林中，不如須臾間，供養修己者，彼如是供養，勝祭祀百年。

— 0 8 若人於世間，施捨或供養，求福一週年，如是諸功德，不及四分一，禮敬正直者。

— 0 9 好樂敬禮者，常尊於長老，四法得增長：壽美樂與力。

— 1 0 若人壽百歲——破戒無三昧，不如生一日——持戒修禪定。

— 1 1 若人壽百歲——無慧無三昧，不如生一日——具慧修禪定。

— 1 2 若人壽百歲——怠惰不精進，不如生一日——勵力行精進。

— 1 3 若人壽百歲——不見生滅法，不如生一日——得見生滅法。

— 1 4 若人壽百歲——不見不死道，不如生一日——得見不死道。

— 1 5 若人壽百歲——不見最上法，不如生一日——得見最上法。

9、惡品 Pāpa-Vaggo

- 一一六 應急速作善，制止罪惡心。怠慢作善者，心則喜於惡。
- 一一七 若人作惡已，不可數數作；莫喜於作惡；積惡則受苦。
- 一一八 若人作善已，應復數數作；當喜於作善；積善則受樂。
- 一一九 惡業未成熟，惡者以為樂。惡業成熟時，惡者方見惡。
- 一二〇 善業未成熟，善人以為苦。善業成熟時，善人始見善。
- 一二一 莫輕於小惡！謂『我不招報』，須知滴水落，亦可滿水瓶，
愚夫盈其惡，少許少許積。
- 一二二 莫輕於小善！謂『我不招報』，須知滴水落，亦可滿水瓶，
智者完其善，少許少許積。
- 一二三 商人避險道，伴少而貨多；愛生避毒品，避惡當亦爾。
- 一二四 假若無有瘡傷手，可以其手持毒藥。毒不能患無傷手。不作惡
者便無惡。
- 一二五 若犯無邪者，清淨無染者，罪惡向愚人，如逆風揚塵。
- 一二六 有人生於(母)胎中，作惡者則(墮)地獄，正直之人昇天界，
漏盡者證入涅槃。
- 一二七 非於虛空及海中，亦非入深山洞窟，欲求逃遁惡業者，世間實
無可覓處。
- 一二八 非於虛空及海中，亦非入深山洞窟，欲求不為死魔制，世間實
無可覓處。

10、刀杖品 Daṇḍa-Vaggo

- 一二九 一切懼刀杖，一切皆畏死，以自度(他情)，莫殺教他殺。
- 一三〇 一切懼刀杖，一切皆愛生，以自度(他情)，莫殺教他殺。
- 一三一 於求樂有情，刀杖加惱害，但求自己樂，後世樂難得。
- 一三二 於求樂有情，不加刀杖害，欲求自己樂，後世樂可得。
- 一三三 對人莫說粗惡語，汝所說者還說汝。憤怒之言實堪痛；
互擊刀杖可傷汝。
- 一三四 汝若自默然，如一破銅鑼，已得涅槃路；於汝無諍故。
- 一三五 如牧人以杖，驅牛至牧場，如是老與死，驅逐眾生命。
- 一三六 愚夫造作諸惡業，卻不自知(有果報)，癡人以自業感苦，
宛如以火而自燒。
- 一三七 若以刀杖害，無惡無害者，十事中一種，彼將迅速得。
- 一三八 極苦痛失財，身體被損害，或重病所逼，或失心狂亂。
- 一三九 或為王迫害，或被誣重罪，或眷屬離散，或破滅財產。
- 一四〇 或彼之房屋，為劫火焚燒。癡者身亡後，復墮於地獄。
- 一四一 非裸行結髮，非塗泥絕食，臥地自塵身，非以蹲踞(住)，
不斷疑惑者，能令得清淨。
- 一四二 嚴身住寂靜，調御而克制，必然修梵行，不以刀杖等，加害諸
有情，彼即婆羅門，彼即是沙門，彼即是比丘。
- 一四三 以慚自禁者，世間所罕有，彼善避羞辱，如良馬避鞭。

一四四 如良馬加鞭，當奮勉懺悔。以信戒精進，以及三摩地，善分別正法，以及明行足，汝當念勿忘，消滅無窮苦。

一四五 灌溉者引水，箭匠之矯箭，木匠之繩木，善行者自御。

11、老品 Jarā-Vaggo

一四六 常在燃燒中，何喜何可笑？幽暗之所蔽，何不求光明？

一四七 觀此粉飾身；瘡傷一堆骨，疾病多思惟，絕非常存者。

一四八 此衰老形骸，病藪而易壞；朽聚必毀滅，有生終歸死。

一四九 猶如葫蘆瓜，散棄於秋季，骸骨如鴿色，觀此何可樂？

一五〇 此城 骨所建，塗以血與肉，儲藏老與死，及慢並虛偽。

一五一 盛飾王車亦必朽，此身老邁當亦爾。唯善人法不老朽，善人傳示於善人。

一五二 寡聞之（愚）人，生長如牡牛，唯增長筋肉，而不增智慧。

一五三 經多生輪迴，尋求造屋者，但未得見之，痛苦再再生。

一五四 已見造屋者！不再造於屋。椽桷皆毀壞，棟梁亦摧折。我既證無為，一切愛盡滅。

一五五 少壯不得財，並不修梵行，如池邊老鷺，無魚而萎滅。

一五六 少壯不得財，並不修梵行，臥如破折弓，悲歎於過去。

12、自己品 Atta-Vaggo

一五七 若人知自愛，須善自保護。三時中一時，智者應醒覺。

一五八 第一將自己，安置於正道，然後教他人；賢者始無過。

一五九 若欲誨他者，應如己所行（自）制乃制（他），克己實最難。

一六〇 自為自依怙，他人何可依？自己善調御，證難得所依。

一六一 惡業實由自己作，從自己生而自起。（惡業）摧壞於愚者，猶如金剛破寶石。

一六二 破戒如蔓蘿，纏覆娑羅樹。彼自如此作，徒快敵者意。

一六三 不善事易作，然無益於己；善與利益事，實為極難行。

一六四 惡慧愚癡人，以其邪見故，侮蔑羅漢教，依正法行者，以及尊者教，而自取毀滅，如格他格草，結果自滅亡。

一六五 惡實由己作，染污亦由己；由己不作惡，清淨亦由己。淨不淨依己，他何能淨他？

一六六 莫以利他事，忽於己利益。善知己利者，常專心利益。

13、世品 Loka-Vaggo

一六七 莫從卑劣法。莫住於放逸。莫隨於邪見。莫增長世俗。

一六八 奮起莫放逸！行正法善行。依正法行者，此世他世樂。

一六九 行正法善行。勿行於惡行。依正法行者，此世他世樂。

一七〇 視如水上浮漚，視如海市蜃樓，若人觀世如是，死王不得見他。

一七一 來看言個世界，猶如莊嚴王車。愚人沈湎此中，智者毫無執著。
一七二 若人先放逸，但後不放逸。彼照耀此世，如月出雲翳。
一七三 若作惡業已，覆之以善者。彼照耀此世，如月出雲翳。
一七四 此世界盲暝，能得此者少。如鳥脫羅網，鮮有昇天者。
一七五 天鵝飛行太陽道，以神通力可行空。智者破魔王魔眷，得能脫離於世間。
一七六 違犯一（乘）法，及說妄語者，不信來世者，則無惡不作。
一七七 慳者不生天，愚者不讚布施。智者隨喜施，後必得安樂。
一七八 一統大地者，得生天上者，一切世界主，不及預流勝。

14、佛陀品 Buddha-Vaggo

一七九 彼之勝利無能勝，敗者於世無可從，佛（智）無邊無行跡，
汝復以何而誑惑？
一八〇 彼已不具於結縛，愛欲難以誘使去，佛（智）無邊無行跡，
汝復以何而誑惑？
一八一 智者修禪定，喜出家寂靜，正念正覺者，天人所敬愛。
一八二 得生人道難，生得壽終難，得聞正法難，遇佛出世難。
一八三 一切惡莫作，一切善應行，自調淨其意，是則諸佛教。
一八四 諸佛說涅槃最上，忍辱為最高苦行。害他實非出家者，
惱他不名為沙門。

一八五 不誑與不害，嚴持於戒律，飲食知節量，遠處而獨居，
勤修增上定，是為諸佛教。
一八六 即使雨金錢，欲心不滿足。智者知淫欲，樂少而苦多！
一八七 故彼於天欲，亦不起希求。正覺者弟子，希滅於愛欲。
一八八 諸人恐怖故，去皈依山岳，或依於森林，園苑樹支提。
一八九 此非安穩依，此非最上依，如是皈依者，不離一切苦。
一九〇 若人皈依佛，皈依法及僧，由於正智慧，得見四聖諦。
一九一 苦與苦之因，以及苦之滅，並八支聖道，能令苦寂滅。
一九二 此 皈依安穩，此皈依無上，如是皈依者，解脫一切苦。
一九三 聖人極難得，彼非隨處生；智者所生處，家族咸蒙慶。
一九四 諸佛出現樂，演說正法樂，僧伽和合樂，修士和合樂。
一九五 供養供應者—脫離於虛妄，超越諸憂患，佛及佛弟子。
一九六 若供養如是—寂靜無畏者，其所得功德，無能測量者。

15、樂品 Sukha-Vaggo

一九七 我等實樂生，憎怨中無憎。於憎怨人中，我等無憎住。
一九八 我等實樂生，疾病中無病。於疾病人中，我等無病住。
一九九 我等實樂生，貪欲中無欲。於貪欲人中，我等無欲住。
二〇〇 我等實樂生，我等無物障，我等樂為食，如光音天人。
二〇一 勝利生憎怨，敗者住苦惱。勝敗兩俱捨，和靜住安樂。

- 二〇二 無火如貪欲，無惡如瞋恨，無苦如（五）蘊，無樂勝寂靜。
- 二〇三 飢為最大病，行為最大苦；如實知此已，涅槃樂最上。
- 二〇四 無病最上利，知足最上財，信賴最上親，涅槃最上樂。
- 二〇五 已飲獨居味，以及寂靜味，喜飲於法味，離怖畏去惡。
- 二〇六 善哉見聖者，與彼同住樂。由不見愚人，彼即常歡樂。
- 二〇七 與愚者同行，長時處憂悲。與愚同住苦，如與敵同居。與智者同住，樂如會親族。
- 二〇八 是故真實賢者智者多聞者，持戒虔誠與聖者，從斯善人賢慧遊，猶如月從於星道。

16、喜愛品 Piya-Vaggo

- 二〇九 專事不當事，不事於應修，棄善趨愛欲，卻羨自勉者。
- 二一〇 莫結交愛人，莫結不愛人。不見愛人苦，見憎人亦苦。
- 二一一 是故莫愛著，愛別離為苦。若無愛與憎，彼即無羈縛。
- 二一二 從喜愛生憂，從喜愛生怖；離喜愛無憂，何處有恐怖。
- 二一三 從親愛生憂，從親愛生怖；離親愛無憂，何處有恐怖。
- 二一四 從貪欲生憂，從貪欲生怖；離貪欲無憂，何處有恐怖。
- 二一五 從欲樂生憂，從欲樂生怖；離欲樂無憂，何處有恐怖。
- 二一六 從愛欲生憂，從愛欲生怖；離愛欲無憂，何處有恐怖。
- 二一七 具戒及正見，住法知真諦，圓滿自所行，彼為心人愛。

- 二一八 渴求離言法，充滿思慮心，諸慾心不著，是名上流人。
- 二一九 久客異鄉者，自遠處安歸，親友與知識，歡喜而迎彼。
- 二二〇 造福亦如是，從此生彼界，福業如親友，以迎愛者來。

17、忿怒品 Kodha-Vaggo

- 二二一 捨棄於忿怒，除滅於我慢，解脫一切縛，不執著名色，彼無一物者，苦不能相隨。
- 二二二 若能抑忿發，如止急行車，是名（善）御者，餘為執韁人。
- 二二三 以不忿勝忿。以善勝不善。以施勝慳吝。以實勝虛妄。
- 二二四 諦語不瞋恚，分施與乞者；以如是三事，能生於諸天。
- 二二五 彼無害牟尼，常調伏其身，到達不死境—無有悲憂處。
- 二二六 恆常醒覺者，日夜勤修學，志向於涅槃，息滅諸煩惱。
- 二二七 阿多羅應知：此非今日事，古語已有之。默然為人誹，多語為人誹，寡言為人誹；不為誹謗者，斯世實無有。
- 二二八 全被人誹者，或全被讚者，非曾有當有，現在亦無有。
- 二二九 若人朝朝自反省，行無瑕疵並賢明，智慧戒行兼具者，彼為智人所稱讚。
- 二三〇 品如閻浮金，誰得誹辱之？彼為婆羅門，諸天所稱讚。
- 二三一 攝護身忿怒，調伏於身行。捨離身惡行，以身修善行。
- 二三二 攝護語忿怒，調伏於語行。捨離語惡行，以語修善行。

二三三 攝護意忿怒，調伏於意行。捨離意惡行，以意修善行。

二三四 智者身調伏，亦復語調伏，於意亦調伏，實一切調伏。

18、垢穢品 Mala-Vaggo

二三五 汝今已似枯焦葉，閻魔使者近身邊。汝已佇立死門前，旅途汝亦無資糧。

二三六 汝宜自造安全洲。迅速精勤為智者。拂除塵垢無煩惱，得達諸天之聖境。

二三七 汝今壽命行已終。汝已移步近閻魔。道中既無停息處，旅途汝亦無資糧。

二三八 汝宜自造安全洲。迅速精勤為智者。拂除塵垢無煩惱，不復重來生與老。

二三九 剎那剎那間，智者分分除，漸拂自垢穢，如冶工鍛金。

二四〇 如鐵自生鏽，生已自腐蝕，犯罪者亦爾，自業導惡趣。

二四一 不誦經典穢，不勤為家穢。懶惰為色穢，放逸護衛穢。

二四二 邪行婦人穢，吝嗇施者穢。此界及他界，惡去實為穢。

二四三 此等諸垢中，無明垢為最，汝當除此垢，成無垢比丘！

二四四 生活無慚愧，鹵莽如烏鴉，詆毀（於他人），大膽自誇張，傲慢邪惡者，其人生活易。

二四五 生活於慚愧，常求於清淨，不著欲謙遜，住清淨生活，（富於）識見者，其人生活難。

二四六 若人於世界，殺生說妄語，取人所不與，犯於別人妻。

二四七 及耽湏飲酒，行為如是者，即於此世界，毀掘自（善）根。

二四八 如是汝應知：不制則為惡；莫貪與非法，自陷於水苦。

二四九 若信樂故施。心嫉他得食，彼於晝或夜，不得入三昧。

二五〇 若斬斷此（心），拔根及除滅，則於晝或夜，彼得入三昧。

二五一 無火等於貪欲，無執著如瞋恚，無網等於愚癡，無河流如愛欲。

二五二 易見他人過，自見則為難。揚惡如颶糠，已過則覆匿，如彼狡博者，隱匿其格利。

二五三 若見他人過，心常易忿者，增長於煩惱；去斷惑遠矣。

二五四 虛空無道跡，外道無沙門。眾生喜虛妄，如來無虛妄。

二五五 虛空無道跡，外道無沙門。（五）蘊無常住，諸佛無動亂。

19、法住品 Dhammatṭha-Vaggo

二五六 鹵莽處事故，不為法住者。智者應辦別——孰正與孰邪。

二五七 導人不鹵莽，如法而公平，智者護於法，是名法住者。

二五八 不以多言故，彼即為智者。安靜無怨怖，是名為智者。

二五九 不以多言故，彼為持法者。彼雖聞少分，但由身見法，於法不放逸，是名持法者。

二六〇 不因彼白頭，即得為長老。彼年齡虛熟，徒有長老名。
二六一 於彼具真實，具法不殺生，節制並調伏，彼有智慧人。
除滅諸垢穢，實名為長老。
二六二 嫉慳虛偽者，雖以其辯才，或由相端嚴，不為善良人。
二六三 若斬斷此（心），拔根及除滅，彼捨瞋智者，名為善良人。
二六四 若破戒妄語，削髮非沙門。充滿欲與貪，云何為沙門？
二六五 彼息滅諸惡——無論大與小，因息滅諸惡，故名為沙門。
二六六 僅向他行乞，不即是比丘。行宗教法儀，亦不為比丘。
二六七 僅捨善與惡，修於梵行者，以知住此世，彼實名比丘。
二六八 愚昧無知者，不以默然故，而名為牟尼。智者如權衡。
二六九 捨惡取其善，乃得為牟尼。彼知於兩界，故稱為牟尼。
二七〇 彼人非聖賢，以其殺生故。不害諸眾生，是名為聖者。
二七一 不以戒律行，或由於多聞，或由證三昧，或由於獨居。
二七二 謂『受出家樂，非凡夫所能』。汝等漏未盡，莫生保信想！

20、道品 Magga-Vaggo

二七三 八支道中勝，四句諦中勝，離欲法中勝，具眼兩足勝。
二七四 實唯此一道，無餘知見淨。汝等順此行。魔為之惑亂。
二七五 汝順此（道）行，使汝苦滅盡。知我所說道，得除去荊棘。
二七六 汝當自努力！如來唯說者。隨禪定行者，解脫魔繫縛。

二七七 『一切行無常』，以慧觀照時，得厭離於苦，此乃清淨道。
二七八 『一切行是苦』，以慧觀照時，得厭離於苦，此乃清淨道。
二七九 『一切法無我』，以慧觀照時，得厭離於苦，此乃清淨道。
二八〇 當努力時不努力，年雖少壯陷怠惰，意志消沈又懶弱，怠者不以智得道。
二八一 慎語而制意，不以身作惡。淨此三業道，得聖所示道。
二八二 由瑜伽生智，無瑜伽慧滅。了知此二道，及其得與失，當自努力行，增長於智慧。
二八三 應伐欲稠林，勿伐於樹木。從欲林生怖，當脫欲稠林。
二八四 男女欲絲絲，未斷心猶繫；如飲乳犢子，不離於母牛。
二八五 自己斷除愛情，如以手折秋蓮。勤修寂靜之道。善逝所說涅槃。
二八六 『雨季我住此，冬夏亦住此』，此為愚夫想，而不覺危險。
二八七 溺愛子與畜，其人心惑著，死神捉將去，如瀑流睡村。
二八八 父子與親戚，莫能為救護。彼為死所制，非親族能救。
二八九 了知此義已，智者持戒律，通達涅槃路——迅速令清淨。

21、雜品 Pakiṇṇaka-Vaggo

二九〇 若棄於小樂，得見於大樂。智者棄小樂，當見於大樂。
二九一 施與他人苦，為求自己樂；彼為瞋繫縛，怨憎不解脫。
二九二 應作而不作，不應作而作，傲慢放逸者，彼之漏增長。

二九三 常精勤觀身，不作不應作，應作則常作，觀者漏滅盡。
二九四 殺（愛欲）母與（慢）父，殺刹帝利族二王，（破）王國 殺其從臣，趨向無憂婆羅門。
二九五 殺（愛欲）母與（慢）父，殺婆羅門族二王，殺其虎（將）第五（疑），趨向無憂婆羅門。
二九六 喬達摩弟子，常善自醒覺，無論晝與夜，彼常念佛陀。
二九七 喬達摩弟子，常善自醒覺，無論晝與夜，彼常念達摩。
二九八 喬達摩弟子，常善自醒覺，無論晝與夜，彼常念僧伽。
二九九 喬達摩弟子，常善自醒覺，無論晝與夜，彼常念於身。
三〇〇 喬達摩弟子，常善自醒覺，無論晝與夜，常樂不殺生。
三〇一 喬達摩弟子，常善自醒覺，無論晝與夜，心常樂禪定。
三〇二 出家愛樂難。在家生活難。非儔共住苦。（輪迴）往來苦。故不應往來，隨從於痛苦。
三〇三 正信而具戒，得譽及財者，彼至於何處，處處受尊敬。
三〇四 善名揚遠方，高顯如雲山。惡者如夜射，雖近不能見。
三〇五 獨坐與獨臥，獨行而不倦，彼獨自調御，喜樂於林中。

22、地獄品 Niraya-Vaggo

三〇六 說妄語者墮地獄，或已作言『我無作』。此二惡業者死後，他世同受（地獄）苦。

三〇七 多袈裟纏頸，惡行不節制，惡人以惡業，終墮於地獄。
三〇八 若破戒無制，受人信施食，不如吞鐵丸——熱從火焰出。
三〇九 放逸淫人妻，必遭於四事：獲罪睡不安，誹三地獄四。
三一〇 非福並惡趣，恐怖樂甚少，國王加重罪，故莫淫他婦。
三一一 不善執孤沙，則傷害其手；沙門作邪行，則趣向地獄。
三一二 諸有懈惰行，及染污戒行，懷疑修梵行，彼不得大果。
三一三 應作所當作，作之須盡力！放蕩遊行僧，增長於欲塵。
三一四 不作惡業勝，作惡後受苦。作諸善業勝，作善不受苦。
三一五 譬如邊區域，內外均防護，自護當亦爾。剎那莫放逸。剎那疏忽者，入地獄受苦。
三一六 不應羞而羞，應羞而不羞，懷此邪見者，眾生趨惡趣。
三一七 不應怖見怖，應怖不見怖，懷此邪見者，眾生趨惡趣。
三一八 非過思為過，是過見無過，懷此邪見者，眾生趨惡趣。
三一九 過失知過失，無過知無過，懷此正見者，眾生趨善趣。

23、象品 Nāga-Vaggo

三二〇 如象在戰陣，（堪忍）弓箭射，我忍謗（亦爾），世多破戒者。
三二一 調御（象）可赴集會，調御（象）可為王乘。若能堪忍於謗言，人中最勝調御者。

三二二 調御之驪為優良，信度駿馬為優良，矯羅大象亦優良，自調御者更優良。

三二三 實非彼等車乘，得達難到境地，若人善自調御，由於調御得達。

三二四 如象名財護，泌液暴難制，繫縛不少食，惟念於象林。

三二五 樂睡又貪食，轉側唯長眠，如豬食無厭，愚者數入胎。

三二六 我此過去心——任意隨所欲，隨愛好遊行。我今悉調伏，如象師持鉤，（制御）泌液象。

三二七 當樂不放逸，善護於自心。自救出難處，如象（出）泥坑。

三二八 若得同行伴——善行富智慮，能服諸艱困，欣然共彼行。

三二九 若無同行伴——善行富智慮，應如王棄國，如象獨行林。

三三〇 寧一人獨行，不與愚為友。獨行離欲惡，如象獨遊林。

三三一 應時得友樂，適時滿足樂，命終善業樂，離一切苦樂。

三三二 世中敬母樂，敬父親亦樂。世敬沙門樂，敬聖人亦樂。

三三三 至老持戒樂，正信成就樂，獲得智慧樂，不作諸惡業。

24、愛欲品 Taṇhā-Vaggo

三三四 若住於放逸，愛增如蔓蘿。（此）生又（彼）生，如猿求林果。

三三五 若於此世界，為惡欲纏縛，憂苦日增長，如毘羅得雨。

三三六 若於此世界，降難降愛欲，憂苦自除落，如水滴蓮葉。

三三七 我說此善事：汝等集於此，掘愛欲之根，如求毘羅那，掘去其甜根。勿再為魔王，屢屢害汝等，如洪水（侵）葦。

三三八 不傷深固根，雖伐樹還生。愛欲不斷根，苦生亦復爾。

三三九 彼具三十六（愛）流，勢強奔流向欲境，是則彼具邪見人，為欲思惟漂蕩去。

三四〇 （欲）流處處流，蔓蘿盛發芽。汝見蔓蘿生，以慧斷其根。

三四一 世喜悅（欲）滋潤，亦喜馳逐六塵。彼雖向樂求樂，但唯得於生滅。

三四二 隨逐愛欲人，馳迴如網兔。纏縛於（煩惱），再再長受苦。

三四三 隨逐愛欲人，馳迴如網兔。比丘求無欲，故須自離欲。

三四四 捨欲喜林間，離欲復向欲，當觀於此人；解縛復向縛。

三四五 鐵木麻作者，智說非堅縛。迷戀妻子財，（是實）為堅（縛）。

三四六 能引墮落者，智說為堅縛。彼雖似寬緩，而實難解脫。斷此無著者，捨欲而出家。

三四七 彼耽於欲隨（欲）流，投自結網如蜘蛛。斷此（縛）而無著者，離一切苦而遨遊。

三四八 捨過現未來，而渡於彼岸。心解脫一切，不再受生老。

三四九 惡想所亂者，求樂欲熾然，彼欲倍增長，自作堅牢縛。

三五〇 喜離惡想者，常念於不淨。當除於愛欲，不為魔羅縛。

三五— 達究竟處無畏，離愛欲無垢穢，斷除生有之箭，此為彼最後身。

三五二 離欲無染者，通達詞無礙，善知義與法，及字聚次第，彼為最後身，大智大丈夫。

三五三 我降伏一切，我了知一切。一切法無染，離棄於一切，滅欲得解脫，自證誰稱師？

三五四 諸施法施勝；諸味法味勝；諸喜法喜勝；除愛勝諸苦。

三五五 財富毀滅愚人，決非求彼岸者。愚人為財欲害，自害如（害）他人。

三五六 雜草害田地，貪欲害世人。施與離貪者，故得大果報。

三五七 雜草害田地，瞋恚害世人。施與離瞋者，故得大果報。

三五八 雜草害田地，愚癡害世人。施與離癡者，故得大果報。

三五九 雜草害田地，欲望害世人。施與離欲者，故得大果報。

25、比丘品 Bhikkhu-Vaggo

三六〇 善哉制於眼。善哉制於耳。善哉制於鼻。善哉制於舌。

三六一 善哉制於身。善哉制於語。善哉制於意。善哉制一切，制一切比丘，解脫一切苦。

三六二 調御手足及言語，調御最高（之頭首），心喜於禪住於定，獨居知足名比丘。

三六三 比丘調於語，善巧而寂靜，顯示法與義，所說甚和婉。

三六四 住法之樂園，喜法與隨法，思惟憶念法，比丘不復退。

三六五 莫輕自所得；莫羨他所得。比丘羨他（得），不證三摩地。

三六六 比丘所得雖少，而不輕嫌所得，生活清淨不怠，實為諸天稱讚。

三六七 若於名與色，不著我我所，非有故無憂，彼實稱比丘。

三六八 住於慈悲比丘，喜悅佛陀教法，到達寂靜安樂，諸行解脫境界。

三六九 比丘汲此舟（水），（水）去則舟輕快。斷除貪欲瞋恚，則得證於涅槃。

三七〇 五斷及五棄，而五種勤修。越五著比丘——名渡瀑流者。

三七一 修定莫放逸，心莫惑於欲！莫待吞鐵丸，燒然乃苦號！

三七二 無慧者無定，無定者無慧。兼具定與慧，彼實近涅槃。

三七三 比丘入屏虛，彼之心寂靜，審觀於正法，得受超人樂。

三七四 若人常正念：諸蘊之生滅，獲得喜與樂，知彼得不死。

三七五 若智慧比丘，於世先作是：攝根及知足，護持別解脫。

三七六 態度須誠懇，行為須端正；是故彼多樂，得滅盡諸苦。

三七七 如跋悉迦花，枯萎而凋謝，汝等諸比丘，棄貪瞋亦爾。

三七八 身靜及語靜，心寂住三昧，捨俗樂比丘，是名寂靜者。

三七九 汝當自警策，汝應自反省！自護與正念，比丘住安樂。

三八〇 自為自保護。自為自依怙。自為自調御，如商調良馬。

三八一 比丘具歡喜心，誠信佛陀教法，到達寂靜安樂，諸行解脫境界。

三八二 比丘雖年少，勤行佛陀教，彼輝耀此世，如月出雲翳。

26、波羅門品 Brāhmaṇa-Vaggo

- 三八三 勇敢斷除於（欲）流，汝當棄欲婆羅門！若知於諸蘊滅盡，汝便知無作（涅槃）。
- 三八四 若常住於二法，婆羅門達彼岸；所有一切繫縛，從彼智者而滅。
- 三八五 無彼岸此岸，兩岸悉皆無，離苦無繫縛，是謂婆羅門。
- 三八六 彼人入禪定，安住離塵垢，所作皆已辦，無諸煩惱漏，證最高境界，是謂婆羅門。
- 三八七 日照晝兮月明夜，剎帝利武裝輝耀，婆羅門禪定光明，佛陀光普照晝夜。
- 三八八 棄除惡業者，是名婆羅門。行為清淨者，則稱為沙門，自除垢穢者，是名出家人。
- 三八九 莫打婆羅門！婆羅門莫瞋，打彼者可恥，忿發恥更甚！
- 三九〇 婆羅門此非小益——若自喜樂制其心。隨時斷除於害心，是唯得止於苦痛。
- 三九一 不以身語意，行作諸惡業，制此三處者，是謂婆羅門。
- 三九二 正等覺者所說法，不論從何而得聞，於彼說者應敬禮，如婆羅門敬聖火。
- 三九三 不因髻髮與種族，亦非生為婆羅門。誰知真實及達摩，彼為幸福婆羅門。
- 三九四 愚者結髮髻，衣鹿皮何益？內心具（欲）林，形儀徒嚴飾！

- 三九五 諸著糞掃衣，消瘦露經脈，林中獨入定，是謂婆羅門。
- 三九六 所謂婆羅門，非從母胎生。如執諸煩惱，但名說「菩」者。若無一切執，是謂婆羅門。
- 三九七 斷除一切結，彼實無恐怖，無著離繫縛，是謂婆羅門。
- 三九八 除皮帶與韁，及斷繩所屬，捨障礙覺者，是謂婆羅門。
- 三九九 能忍罵與打，而無有瞋恨，具忍刀強軍，是謂婆羅門。
- 四〇〇 無有瞋怒具德行，持戒不為諸（欲）潤，調御得達最後身——我稱彼為婆羅門。
- 四〇一 猶如水落於蓮葉，如置芥子於針鋒，不染著於愛欲者——我稱彼為婆羅門。
- 四〇二 若人於此世界中，覺悟消滅其自苦，放棄重負得解脫——我稱彼為婆羅門。
- 四〇三 有甚深智慧，善辦道非道，證無上境界，是謂婆羅門。
- 四〇四 不與俗人混，不與僧相雜，無家無欲者，是謂婆羅門。
- 四〇五 一切強弱有情中，彼人盡棄於刀杖，不自殺不教他殺——我稱彼為婆羅門。
- 四〇六 於仇敵中友誼者，執杖人中溫和者，執著人中無著者——我稱彼為婆羅門。
- 四〇七 貪欲瞋恚並慢心，以及虛偽皆脫落，猶如芥子落針鋒——我稱彼為婆羅門。

四〇八 不言粗惡語，說益語實語，不解怒於人，是謂婆羅門。

四〇九 於此善或惡，修短與粗細，不與而不取，是謂婆羅門。

四一〇 對此世他世，均無有欲望，無欲而解脫，是謂婆羅門。

四一一 無有貪欲者，了悟無疑惑，證得無生地，是謂婆羅門。

四一二 若於此世間，不著善與惡，無憂與清淨，是謂婆羅門。

四一三 如月淨無瑕，澄靜而清明，滅於再生欲，是謂婆羅門。

四一四 超越泥濘崎嶇道，並踰愚癡輪迴海，得度彼岸住禪定，無欲而又無疑惑，無著證涅槃寂靜——我稱彼為婆羅門。

四一五 棄捨欲樂於此世，出家而成無家人，除滅欲樂生起者——我稱彼為婆羅門。

四一六 棄捨愛欲於此世，出家而成無家人，除滅愛欲生起者——我稱彼為婆羅門。

四一七 遠離人間縛，超越天上縛，除一切縛者，是謂婆羅門。

四一八 棄捨喜不喜，清涼無煩惱，勇者勝世間，是謂婆羅門。

四一九 若遍知一切——有情死與生，無執善逝佛，是謂婆羅門。

四二〇 諸天乾闥婆及人，俱不知彼之所趣，煩惱漏盡阿羅漢——我稱彼為婆羅門。

四二一 前後與中間，彼無有一物，不著一物者，是謂婆羅門。

四二二 牛王最尊勇猛者，大仙無欲勝利者，浴己（無垢）及覺者——我稱彼為婆羅門。

四二三 牟尼能知於前生，並且天界及惡趣，獲得除滅於再生，業已完成無上智，一切圓滿成就者——我稱彼為婆羅門。